

Surat khabar: Harian Metro (Setempat)

Hari/Tarikh: 18/1/2017

Muka surat: 8

Tajuk : Sang bedal 'jenguk' asrama UNIMAS

## Sang bedal 'jenguk' asrama UNIMAS

**Kota Samarahan:** Objek bergerak yang disangka biawak rupa-rupanya sang bedal melintas jalan berhampiran Apartmen Reflesia Universiti Malaysia Sarawak (UNIMAS), Taman Desa Ilmu di Jalan Dato Mohd Musa, di sini, malam kelmarin.

Buaya yang dianggarkan sepanjang dua meter itu melintas jalan berkenaan jam 10.20 malam.

Penolong Pengarah Operasi Jabatan Bomba dan Penyelamat Sarawak, Farhan Sufyan Borhan berkata, pihaknya menerima panggilan kecemasan jam 10.26 malam sebelum anggota dari Balai Bomba dan Penyelamat Kota Samarahan di hantar ke lokasi.

Menurutnya, kehadiran reptilia itu disedari penghuni asrama berkenaan

yang kebetulan berada berdekatan pintu masuk sebelum menghubungi bomba.

"Berdasarkan keterangan mereka, reptilia itu dipercayai keluar dari semak berhampiran kawasan asrama sebelum me-

lintas jalan dengan keadaan laluan yang agak gelap.

"Setibanya bomba di lokasi kejadian, buaya berkenaan tidak kelihatan

dipercayai masuk ke dalam parit berhampiran," katanya ketika dihubungi, semalam.

Farhan berkata, peneemuan buaya itu dimaklumkan kepada Perbadanan Hutan Sarawak (SFC) untuk mengesan reptilia itu di kawasan berhampiran.

Katanya, orang ramai dinasihatkan usah menghampiri kawasan berkenaan bagi mengelak kejadian tidak diingini.

**FAKTA**  
Kehadiran  
reptilia disedari  
penghuni  
asrama



BUAYA yang ditemui melintas jalan raya berhampiran Apartmen Reflesia UNIMAS.